

地170.47
42
部二：1-6

岐山縣志

富遜



卷一 地理

疆域 沿革 山川 物產 名景 古蹟 陵墓

卷二 建置

城池 官舍 倉儲 營備 坊表 橋梁 鎮市

區鄉 堡寨

卷三 祠祀

奉祀在城郭內外者 奉祭在各鄉者

祠寺非奉祭在各處者

附勘誤表

岐山縣志

寶
邀



重修岐山縣志

西安西
山書局代印

乙亥八月

重印

重修岐山縣志序

邑之有志猶國之有史也顧其義有廣狹之分而紀事實屬褒貶則一也岐山縣志自清光緒十年胡任昇猷重修後迄於今歷時逾五十載中經清未變法民國肇建舉凡志垂所載鮮符社會現狀不有以重修之勢必年遠代溷考徵莫由甚非所以重掌故而示將來也癸酉春余奉令長斯邑時當饑饉連年萑苻遍野滿目創痍寸心若結有志未果者久之客歲多黍多稌民困漸蘇爰集紳耆協議禮聘邑名宿薛君悅如白君慕陶龐君子鳳主稿設館編纂並呈大府備案八閱月而全書告成諸君子不憚寒暑旁採博諮存其實畧其疑刪其繁補其闕舉數十年來政教之因革損益地方之天災事變人民利害分門別類纖悉靡遺儼然一邑信史也余於披覽之餘不禁有感焉岐陽爲有周發祥地文王發政施仁先及無告周公制禮作樂畫井分田蔚爲一代邦治之隆余何人斯承乏茲土瞻仰前徽汗顏無地方今國難當頭洪流汎濫毀紆遏抑匹夫有責所願有識士民遠師成規近採歐化調劑盈虛崇

重修岐山縣志

序

一 西安西山書局代印

本抑末父詔其子兄勉其弟不數年間將見家給人足社會昌明古人稱立德立言立功爲三不朽邦人君子其亦共相策勵而有以挽回劫運共濟時艱庶不負諸君子苦心編輯之微意也夫中華民國二十四年八月上浣興平田惟均謹識

重修岐山縣志序

吾國史志之學原於尙書春秋尙書禹貢一篇言山之位置水之源流五金之出產田賦之上下貢品如玉石幣帛鳥羽獸皮等類各州所產特色之物無不備詳後世志書實以此爲藍本周以封建立國欲知各國之政治得失風俗人情故立稗官取街談巷說歌謠之詞摛之成詩太師陳之以供國史之採擇十五國之風詩即十五國之志詩亡而孔子作春秋以寓褒貶蓋又史之進化者也當時周有國史而魯又有春秋晉有乘楚有檮杌各國皆有史亦猶後世省有省志縣有縣志耳縣志志一縣之疆域山水田賦戶口人才物產風俗古蹟及草木鳥獸之屬爲省志之材料而省志又國史之材料也司馬光作通鑑採雜史至三百二十二種之多宋史藝文志載小說類一千八百六十六卷可見志宜詳而不宜畧國史取材於省縣縣志又宜加詳也何也分爲縣志總爲國志縣志所載者不必盡採入國志不可令作國志者嗤縣志之太簡單也吾岐縣志自前清光緒十年知縣胡昇猷重修至今五十年來未舉其事續修之說亦聒於耳者數年矣前任陝縣長滋福樊縣長明初毅然提倡卒以歲歉中止茲田縣長子平極力籌畫進行延余與白龐兩君同力合作以期必成不得不勉從其事取採訪各條以類纂敘將舊志之畧者詳之缺者補之誤者正之光緒十年以後之事例可載者又調查確實亥無訛雖僻地遐邇人無芻蕘之遇事無口碑之傳不免間有遺漏而凡得入奚囊者無不備載矣庶幾岐邑忠孝節義之大綱仁慈禮讓之雅俗以及人民利害安危之實在社會文化消長之狀況已過者不至湮沒而弗彰後來續修志書者亦有所考究比例焉時在民國二十三年八月上浣邑人薛成兌謹識

重修岐山縣志

序

一 西安西山書局代印

岐山縣舊志序

明關西道 姚九功 山西進士

志即古列國之史所以志當志者也事有損益言有美刺故孔子修春秋有知我罪我之言其說禮也又謂杞宋不足徵文獻不足故也我皇明一統定志綱列目張制甚詳也藩司郡邑亦各有志稽諸古也關係匪細修廢有期未易舉也茲惟岐山迺周家肇基之地文武周召數聖人者出於其間河山環帶麟鳳呈祥固秦中之雄也舊志有無代遠年湮靡所稽考守土者因緣衝疲日惟僕僕亦無復文事之思以飾治嘉靖己未歲知縣韓子廷芳山西洪洞人忠定公之後也素愛讀書蒞政期年治跡可觀嘗謂縣志爲昭鑒之規勸懲之機也典弗可缺欲惇厥典會鄉士夫以茲典請遂請諸當路咸若允俞延邑人高唐州知州舉人徐子衡爲之編摩霍山縣知縣舉人楊子楠自在州知州舉人武子揚爲之校讐拔庠生之尤者二三人蒐羅故實乃自總統厥任規矩事例視他志加詳法一統志少畧焉首地理以重分野次建置以究王制次貢賦以稽則壤形勝山川人物土產各以次序事求核實文尙明信微顯絕諛影善禔惡於史法亦有得焉刻成鄉士夫請序於予予重其典遂序而弁諸簡端

重修岐山縣志

序

三 西安西山書局代印

舊志序

明知縣 于邦棟 山西舉人

志史類也邑有志猶國有史蓋一方星輿田賦君師治教習尙人文胥此攸繫若古禹貢職方周官小史諸籍是已是以先王重之岐故有志成於先令韓子廷芳氏垂今歷數十年余承乏來岐取而觀之見夫義例有弗明鴻纖有未悉以及近年來有宜續者亟欲修之顧邑當衝疲百務叢委牒訟徵科日復擾擾未逮也乘有餘暇蒐閱圖冊摭拾墳藝咨以百衆訂以見聞據實則直書因蕪則削去宣亡彰隱辨疑正訛事核其舊而義擇夫新文刪其華而例比諸當附以管蠡僭加增損凡一越歲三易稿而甫就緒第卷爲六別類有八曰輿地曰風土曰建置曰賦役曰祠祀曰職官曰人物曰藝文合而觀之則一邑之事概可備見自今伊始邑有著乘其文獻不足徵予惟徵則信惟信則傳豈惟邑人士之賴而余嗣修之初心庶亦少釋矣異日觀

風使倘有採焉將謂之岐之史可也志云乎哉嗚呼斯志惟史斯新惟故媿余非才雖未致厥精懿然亦頗脫舛謬知我罪我奚辭也繼余令茲者或復有更定焉則茲舉未必無小補云時大明萬曆十有八年歲次庚寅春三月上浣之吉

舊志序

清知縣 王 穀 江南貢生

昔太史公作史爰建八書而班固遂廣之爲志後季相沿奉爲職方之紀凡與土經制風俗人文靡不畢載是邑之乘即國之史也岐舊有志始於洪洞韓子修於古唐于子頗稱詳核自鼎革後梨棗散失文獻無徵當事者每核故實輒臆度以對嗟乎姬周賢聖歷代相承而令其發祥之地湮沒不傳毋論山川失秀即掌故弗稽亦長吏之差也予不敏承乏茲土甫下車見西岐古治盡委瓦礫荆棘名勝風華消沉殆盡間或觀風懷古一二耆碩談之娓娓如觀螺指上輒欲記之以備邑乘適秦川多事軍興旁午催科日拙苦無刻暇而督學秦公郡大夫王公留心典故屢檄其成予不揣譎劣乃爲審度事勢斟酌時宜善者因之弊者革之廢者舉之變者通之本於舊而採於新芟其繁而更其陋闡微發隱晰疑正訛遠以表周原之盛近以明昭代之興人物風土一覽備悉雖不敢上同韓于二子或亦藉是以有徵矣所可慨者市廛冷落民社蕭條流移何自而招徠文學如何而蔚起是不得不望後之君子嗣是而增華云時在順治十有四年歲次強圉作噩涂月上浣之吉

舊志序

教諭 王業隆 平涼貢生

重修岐山縣志

序

四 西安西華書局代印

嘗覽岐山舊志嘉靖時韓侯爲之越萬歷十有九年于侯爲之讀二志者或謂後不如前或謂一邑之紀載不詳無以備後世人之考核無以資廣輿記之採葺然而于志則詳矣是皆置勿言大抵世閱世而日新事踵事而彌出有前之所存或爲今之所已廢者今之所有或爲前之所未載者繼起而作烏容不望諸後之君子岐山邑侯王公廣陵人瑞也下車來政治有關於國計民生者靡不焦勞而舉舉焉以志者經史之羽翼也思岐志自兵燹以來無論舊板灰飛其擱筆於獲麟後者距今將七十載若形勝若山川若物產今猶昔矣其他風俗建置賦役祠祀官職人物之類有

變移不一姓名未登人品互殊者網羅舊聞審觀謠俗一一皆增集之兼以星斗之胸雲錦之筆形勝山川聿受物色且褒貶不泥于舊案詳畧恰當夫新裁尤見博通往古有若親目洎諸卷之中每項各有標題讀之令人曉然于事之所繇來勃發乎性之所本具則是書也其於學與仕也裨益良多矣豈徒以文章昭茲來許哉因命梓人傳之永久僅以數言揚其盛云時順治丁酉歲建子之月

舊志序

陝西巡撫舉

沅狀元

志者史之一體也劉知幾云史莫難于志而志地理尤難蓋夫山峙川流申畫之定界也高城深池建置之大端也任土則壤貢賦之成規也然而代有沿革時有治忽由是政事有損益官師有賢否民俗有淳漓土物有贏絀苟非證今憲古勒有成書俾此中利弊因革貫串於中曷由見諸施行而各得其職矧岐山爲周室開基之地關中數千餘年聲名文物胥於此肇端倘因陋就簡任其文獻無徵莫之或顧得非守土者之責歟余奉天子恩命簡任封圻巡撫茲十七稔於茲其間望山名水以及

重修岐山縣志

序

五 西安西 山書局代印

故墟廢井大半經行而於岐山尤不憚致意再三每馬跡車塵經過其下必恭詣周公祠廟容與瞻拜覺當日辟雍鐘鼓流風餘韻猶有存焉因憶其間必有閎通淹雅之才隸事摛文暢演鴻製以道揚其休美顧余廣爲諮訪惟國朝順治初年縣令王穀所輯一志僅有存者而義例未盡允諧因諭平令世增留心甄輯而胡農部文銓爲編劃焉繼而平令以銅務赴滇未幾厥事爰諭三水郭令履恆來攝邑篆履恆爲南一先生令子南一所學淵源伊洛爲河汾人士宗師郭令能世其家學甫蒞岐下卽修 文廟以崇聖教創書院以育賢才余心儀之謂其能以文學被飾吏治有古循吏風未幾復以平令未成志事爲請許之不一載以書成來上公餘之暇間肆披覽爲門有八卷亦如之其中發凡起例參稽案牘酌民言舉凡山川田賦建置官師民風土物訂其舊而補其新其用心可謂勤且苦矣於是歎斯志之得其人而令之勇於從事尤不可及也嗟乎天下之事其初常苦於有所待而其後往往因循展轉遂至於不復爲今令於志事尚如此則其於民生利濟政事綱紀所在苟有可

爲又其肯綮哉樂觀厥成因爲叙其端委且並以勵其後效也時在乾隆己亥冬十月下澣

舊志序

知縣 郭履恆 山西 舉人

從來事之興廢存乎人而人之舉事昧乎時有舉事之志而時有未及爲非其人之責也若時已可爲而謂非先務之急因循苟且任其廢墜而莫之顧則咎有攸歸矣履恆自媿才識寡陋夙秉庭訓凡事於所當爲者未敢少有委謝然往往爲時所阻而不獲爲憶自乾隆壬辰歲恭奉恩命簡發陝西蒙大中丞畢公奏補邠州三水令洎任伊始即有意邑中文獻而以地瘠民貧當務之事墮廢者多其被飾文具固有志而未遑也歲戊戌岐山令平君世增以銅務赴滇中丞以恆承乏其間岐山故周室開基之地當日菁莪棫樸壽考作人迄今數千年猶覺聲名文物雲漢爲昭士人一行作吏幸洎斯土安可以法令文具自外於豐鎬之遺爰於下車之初首捐廉俸飭修 文廟以崇聖教復於邑中建鳳鳴書院進鄉之俊秀而教之以副德造之選時復以中丞公丙申入覲有重修府志之奏平君曾以岐邑志乘自國朝順治初年以後久未與修甄錄厥事延胡農部文銓爲之編訂未幾檄委辦理滇銅其事中輟余惜平君有舉事之志而時有未及爲爰復請於中丞舉胡農部所屬原稿若干卷爲之叅案牘酌民言以蔣君兆甲摺著述才時爲邑學官囑其重加編校余復於鞅掌之暇詳加研究不一載汗青始竟非敢謂其盡善也所可幸者余夙有舉事之志而令三水則有所不及爲平君及爲之矣而以公務中止必待余而爲之非適際其時而能如是乎故樂爲書之庶以慶余之遭也至於今之岐猶古之岐也山川不改民物依然顧何以使其戶慶盈寧家敦禮讓俾成周之盛復見於今是所望於繼官茲士者而恆雖不才亦不敢不勉也時乾隆己亥冬十月上澣

舊志序

教諭 蔣兆甲 渭南 舉人

乾隆戊戌秋八月余司鐸來岐邑侯郭明府崇峯先生以三水令攝岐篆方數月也庶政惟和士民雍睦乃以岐之舊志示余而言曰此前令鑑湖平君世增與農部主

重修岐山縣志

序

六 西安西山書局代印

政燕山胡君文銓所甄輯而未竟厥功者方今廟學重新書院新建及北門之復啓業有規畫矣惟茲邑乘余亦當集其成以歲平君之事子曷爲我編焉余惟弁陋自慚力辭厥任而明府力請於中丞又以邑孝廉蔡君毓章明經吳君江助余參訂不得已乃取舊志觀焉既而嘆曰甚哉志法之難也今之郡邑志古之國史也昔王阮亭序新城志云以余所聞前明郡邑志不啻充棟而文簡事覈訓詞爾雅無如康對山武功志胡可泉甘肅志序云康太史武功志猶存史體可仿也余讀武功志自從學於武功孫酉峯先生顧知其善而弗知其可仿也及觀先生之志郟陽志鄆則有神明於對山之志法者然後知對山之能存史體而先生之善法對山今岐之舊志余仍取酉峯先生之志法而少變之聯以八篇分以四卷訛者辨之俚者刪之義例著於篇端次第括於目序顧亦不知其繁而理簡而能明也而惟以所輯者就正於明府而始存之其於舊志不爲無加毫末已抑余聞之岐有邑志始前明嘉靖時邑令韓君廷芳顧其書不可復見今所見者于君邦棟續於萬歷時王君毅再續於國

重修岐山縣志

序

七 西安西 山書局代印

朝順治之十有四年二君者學問宏通政績茂著豈獨畧於邑乘哉夫天下之畧於前而詳於後者亦自然之理也倘繼此而續爲者更加詳焉可以追文簡事覈訓詞爾雅則此書之幸矣余承明府之命得不竭弁陋之識任編次之勞而百餘年來文獻無徵因多遺漏此又余所深憾者至於述舊增新不由故轍後之覽者合舊志而觀之其可知所用心也夫時乾隆己亥小陽月望日

舊志序

清進士 張殿元 邑人

或曰志者史之一體也邑有志猶國有史邑志乃史之全體也何者上古結繩無所謂志書契肇興即有紀載攝提循蜚荒乎邈矣 孔子刪贊於易言包犧神農黃帝於書斷自唐虞下迄殷周詩三百篇及禮樂春秋其中山川人物政治得失無不畢備周禮六官率屬分職三物六行終以考工經即史亦即志也爾雅左氏公穀傳亦無不可謂志也司馬史記建八書孟堅變而爲志後世作史者因之而志之名以起是志固史之一體也歷代帝王命郡邑各修志疆域山川人物歲否彙而紀之以備

輶軒采風摭入國史故曰邑志乃史之全體也邑志之義大矣哉岐志遠代無稽明知縣韓廷芳創於嘉靖于邦棟續於萬歷顧其書今皆無存國朝順治十四年邑侯王乾隆四十四年邑侯郭相繼踵修篇第皆八目次稍易亦云備矣迄今歷百餘年人情風俗日相變更兼之兵燹傷殘不堪言述莫爲表章使忠義貞烈之氣鬱而弗伸抑亦守土者之咎也邑侯胡公以錦江右族灌水殊英髫年食餼壯歲從戎採運岐廓歷有三載酬庸授職於皇帝御極之四年來宰岐封下車伊始觀風問俗即有心志事適當饑饉遵諭辦賑有藉歲行強遂會營彈壓更請額外展賑兩月又計畝預給農種一時境內肅清塗無餓莩田無曠土越明年時和歲豐勸捐義倉民皆樂輸因雨衝獄牆逃逸數囚漸次捕獲民胥大悅非深諧輿情能如是乎初岐境南山水出斜峪關名石頭河疏渠灌田者非一處馬積舊堰被水衝壞膏壤石田欲復修治窒礙實多里民公稟侯勘驗區畫示於上流倍直售地治堰引水至下流仍歸舊渠地直多寡計所灌之田而分償之利於此無損於彼衆皆悅服勒石紀事以昭永

重修岐山縣志

序

八 西安四山書局代印

久惠無窮焉數年以來編保甲弭荏苒課農桑息訟獄繕葺 周公廟以崇典禮改建 武侯祠以昭忠貞增 鄠書院以培植士風樽節差局以紓緩民力今夏山水衝田傷人即冒雨渡渭查視體恤實心實力修廢舉墜教養兼施政簡刑清乃慨然曰予向之有心志事未遑興修者今其時矣於是山川古蹟躬親考覽正數百年沿襲之誤湮沒之非又博訪故老遍搜遺文百餘年事蹟歷歷在目取前志參互考訂地理七篇因郭志纂舊增新官師人物據事直書賢否自見殉難士女及歷舉節孝事縱莫詳必載名氏使忠義貞烈之氣鬱而得伸以昭當時之炯鑒樹後日之風聲其用心深且厚矣八篇名藝文亦仍王志記序題詠彙集本事之下取其便於披閱也走以庸劣之材猥蒙編次之任輯書將成紳民請敘侯事列於官師侯以體例未宜不可爰於告竣之日詳敘修志之心並敘治岐之政見侯之施德岐人與岐人之感德以冀侯之將來聲施爛然不惟異日修志者敘政績於官師將國史更列於循吏尤望繼侯宰岐者心侯之心惠愛岐民不使岐事歷久就湮心常惓惓如侯之今日

焉不亦懿歟不亦幸歟時光緒十年歲次閏逢涸灘極壯月中浣之吉

舊志序

清陝西鳳翔法道 吳 鎮

自黃圖決錄諸書出秦中地志遂濫觴焉其著者如宋敏求長安志膾炙藝林至明季喬呂康韓王張諸賢輩出規防馬班折衷道義各有撰述以成一家之言傳爲故實然皆秦人志秦雖其言信而有徵而求長吏之紀載綦少國朝乾隆間弇山畢大中丞撫秦值時清宴留意文藻檄諸郡邑修輯志乘一時人文薈萃守令多淹雅之才敷文奏懷各侈隆富有未逮者又得洪稚存孫季求兩君子相與纂輯編摩關中地志駸駸不懈而企於古噫歟盛哉迄今將屆百年矣兵燹頻經風會更變其間文學德行固不乏人而忠孝節義爲國殞身者亦正多湮沒急有待於表彰地方長吏其忍聽其泯泯哉余自甲申夏觀政鳳邠恆以風教爲念每同官來謁必索觀志乘以考方隅掌故稽政治得失者縣州郡凡十有三屬大半舊志失修多歷年所今八月岐山令胡君鴻賓以所輯邑乘來問序於余閱之綱舉目張有條不紊源源本本

重修岐山縣志

序

九 西安西山書局代印

考核精詳於軍興後死事男女尤三致意竊不禁欣然喜慨然歎焉夫風俗與世運移易長吏之賢否民俗之厚薄因之鴻賓本吾蜀青城之秀弱冠以教職從戎積勞叔補斯邑下車伊始即值奇荒頻年賑濟積儲凡所以爲岐民者心力交瘁處煩劇之地承凋敝之餘而能以補墜拾遺顯微闡幽爲己任其平日之勤教養端風化概可知矣他日循良報最丹辰書名由牧令而洊陟大僚政事文章當更卓卓有可紀者豈徒以斯志見哉况岐爲成周發祥之地民儉樸士純良鴻賓以政教先之繼此宰邑者顧念前徽勵精圖治又將蒸蒸日上媲美古甘棠召伯之盛不難踵而志者且與經史後先輝映又奚止黃圖決錄並傳不朽哉余將日夕望之光緒十一年歲次乙酉孟冬月中浣吉日

舊志序

清鳳翔府知府 熙 年

余觀夫詩書之所載傳記之所錄凡賢士大夫之有造於民者必先舉其山川之險易土田之肥磽物產之盈虛戶口之增減一一熟悉其所以然而後舉而措之有餘

裕焉未有訾然於此數端而得厠名循吏之傳者也光緒癸未年奉命出守鳳翔一時同舟諸君子類皆能留心民瘼實事求是岐令胡君鴻賓少長於相如子雲之鄉沐浴先達之遺風其於詩書傳記之所稱固已既聞而博覽之矣洎同治之初從戎關隴轉運岐郿間時雖軍書旁午而君所涉歷之處凡山川土田之廣輸物產戶口之消息無不默識之於心以爲他日有用之學既而軍事解嚴後君題補岐邑令於是即其向之所默識者證之以耆老之所陳徵之以文獻之所紀興廢舉墜因時制宜越數載民氣以和頌聲大作乃從事於志乘之書取前令郭君之舊編芟蕪繁蕪補苴罅漏凡自乾隆至今百有餘年賢士大夫之所設施與君之所爲興利而除弊者皆粲然以具焉既脫稿則以書來言曰岐志之不修也久矣軍興以來忠義士民節烈婦女尤不可以無傳爰採訪蒐集以成是編自愧無文惟紀實也余嘉君之志在於闡揚忠烈激厲風俗而非徒矜纂組之華逞丹鉛之辨也亟取而讀之其敘次也簡而明其評論也公而恕有一事之長輒津津道之不去口其偶涉於不韙者則畧之而不具書固存厚之道歟抑邑志之與國史其體例固不能盡同也若夫附天文於地理之篇錄藝文於各卷之後一懼其泛而難徵一欲其彙而易核善哉其於阮亭之所云文簡事覈訓詞爾雅者蓋庶幾矣余向者知君之有良吏才而不知君之有良史才也然則世之有事於民社者非熟悉其山川之險易土田之肥磽物產之盈虛戶口之增減固不足以爲良吏亦非熟悉其山川之險易土田之肥磽物產之盈虛戶口之增減並不足以爲良史也余嘉胡君之有造於岐之民而即有以匡余之不逮也爰濡筆而爲之序

舊志序

清知縣 胡昇猷

岐處鳳郡西爲周室發祥地卷阿周原甘棠鳴鳳諸勝雜見經史秦漢以降世代迭更疆域沿革亦各不同讀書稽古之士渡雍渭而訪召亭睹山川人物餘韻流風慨然想見古人盛治感嘆興懷然則岐不甚賴有志哉光緒四年春余承乏是邦甫下車哀鴻滿地嗷嗷待哺目擊心傷思爲賑撫計而山原川隰墟落茫然急索志閱之

重修岐山縣志

序

十四 西安西山書局代印

辨方別里次第授食岐人得賴以安自後凡民生所繫政治所關恆取資於志按岐志創自前明韓君廷芳于君邦棟續之其書弗傳國朝順治初王君穀乾隆間郭君履恆相續成書蒐羅博雅義例詳明予小子復何議焉雖然志者史之遺也國不能一日無史邑不能一事弗志乾隆距今百餘年矣其間兵旱頻仍滄桑迭變敷文奏雅紆紫拖青爲里閭光者固多而義夫烈婦捐軀殺賊抗節磨笄毅魄貞魂光爭日月者正復不少此雖朝廷厚澤深仁培養所至而扶翼綱常廉頑立懦謂非風俗之裨益歟余忝爲長吏聽其泯沒咎烏能辭今幸關隴肅清歲豐民悅拾遺補闕舍此更復何時爰與邦人士分門別類博採周諮復延屯田張君震溪編次甲乙公退之餘相與商訂閱六月而成書無濫無隱可信可徵凡嘉道以來人才消長民數盈虛政治得失與夫風俗移易時運盛衰皆得與古昔並傳閱是編者亦足資觀懲而昭法戒又豈徒攬山川懷往聖歌咏風景已哉若遷董之良班范之法余生也魯未嘗學問惟望後之君子訂而正焉是則余之厚幸也夫

重修岐山縣志

序

十一 西安西山書局代印

舊志序

清邑舉人馮拱辰

岐志之修於明代者書已無攷國朝凡二修焉道光間邑侯劉將繼之用人太濫費鉅而事無成至今傳爲口實我邑侯胡老夫子宰治岐疆於茲八載百廢俱舉四民歡欣政事之暇慨然以修志爲己任殫精竭慮閱八月而告成考據詳明體裁嚴謹洵一邑之信史凡編次採訪校修參訂諸紳皆以廉俸供薪水不取民間一錢說者謂鑒於劉公非也夫子自蒞任以來凡事之有利於民無不樂爲之非特修志一端也舊志於藝文不多載觀者不無遺憾此次博採古蹟徧搜碑文有一長可取悉載入藝文志洋洋大觀萃於斯矣夫子固精於文者也有真學問斯有真賞識平時著作率皆以文言道至理最足助人性靈至見諸石刻若戊寅賑荒記重修新開山太白廟禹王廟周公廟獻殿改建五丈原武侯祠並七律培修青化鎮玉皇閣重修鳳鳴書院碑文前後諸作或者老成清華讀之如韓潮蘇海令人心曠神怡而又寓懲勸以維風化不與尋常之筆墨同辰等請付剞劂至再至三夫子力拒之其虛心有

非他人所能及者夫文章與政事相爲表裏他日重修邑志敍夫子之政事必不遺有用之文章吾儕所請未遂夫亦可以無悶矣且夫子本心得之學以培養人材春風普被化雨均霑私淑之懷名言奚罄姑敍修志之緣以誌嚮往云爾光緒十一年正月吉日

重修岐山縣志

序

十二

西安四山書局代印

岐山縣志

凡例

- 一岐志明邑令韓君廷芳修於嘉靖己未于君邦棟續於萬曆庚寅清邑令王君穀再續於順治丁酉平君世增欲修未竟郭君履恆成於乾隆己亥胡君昇猷修於光緒甲寅取平郭之長而損益之頗稱完善越至於今又五十年矣其間歲飢待賑仗義輕財兵燹時遭盡節殉難者不無可紀之事可傳之人及今不志愈久終湮守土是邦咎將誰諉不揣譴陋勉強續貂所望繼余宰岐者亟加斧藻幸甚
- 一舊志篇第條目各有異同胡志綱凡八今增爲十綱以補舊志所未備
- 一舊志卷首惟繪疆域城池兩圖限於紙幅有里名而無村名今添繪區圖六幅詳載村名山脉水道安置確實庶境土之大致庶沙畫米展卷瞭然
- 一舊志敘事今或用原文或稍塗飾有移置新增者亦祇敘各條之內不另標目凡光緒甲申後事閱者知其爲新志也

重修岐山縣志

凡例

十三 西安 山書局代印

- 一舊志註地理引用之書說多互異胡志係邑進士張殿元編次考証訂訛所用註疏必有根據茲爲時促迫又無文獻可徵故註疏皆以胡志爲準

一風俗物產舊志敘述太畧茲就採訪能徵實者詳爲敘列

一建置祠祀諸條有新設宜志者有舊設今毀而名宜存者若已毀無關緊要之坊表橋梁寺觀俱應概置但寺觀民間崇奉既久姑仍其舊註明所在之處

一田賦正供自有定額但地畝水患衝圯戶口兵燹傷殘各就現在之數一體核實
一光緒甲申後官師政績父老傳聞士民祝頌畧爲表著未悉者祇存其名不敢傳會

一宗教舊志不載茲憲法許信教自由故就地方所有詳述之

一學校爲教化本原風俗之茂人才之興皆由此出舊志載書院於建置今別爲一綱以明重學之意

一選舉先科後例以次類敘其官績卓越品行端方有傳者仍載入人物篇中

一 人物聖賢將相彪炳史冊固爲山川生色即匹夫匹婦或以孤行固守或以節義自全亦必闡揚幽隱所以勵風俗也

一 藝文或文或詩必於記咏之事列爲題目無論文係何體拔其尤者以時代先後彙集其下各註姓名以昭實在至繁蕪駁雜之章概爲刪去懼贅也

一 兵災荒災對於地方人民死亡財產損失最關重要胡志列災祥於地理似屬不倫今特提出列爲一綱專敘其事以符國家惜民命重農事之意義

一 胡志安置先標總題次列題序次列事綱次列叙文眉目清晰今仍之

重修岐山縣志

凡例

十四

西安西山書局代印

重修岐山縣志姓氏

重修

日本明治大學法科畢業岐山縣縣長

興平田惟均

編次

清光緒壬寅補行庚子辛丑恩正科舉人

邑人白岫雲

清光緒癸卯恩科舉人

邑人薛成兌

邑人龐繼統

校閱

第一屆國會衆議院議員簡任職清己酉科拔貢

邑人閻琳

清河南試用縣丞廩貢生

邑人王希濂

採訪

清廩生

邑人鳳鳴岐

重修岐山縣志

姓氏

十五 西安西山書局代印

陝西高等預科畢業生

邑人張嘉譽

第一高級小學畢業生

邑人祝生麟

邑人王哲

參訂

鳳翔府中學校畢業生

邑人郭仰汾

保衛總團副團長

邑人侯增爵

教育助理員

邑人趙璠

第一高級小學校校長

邑人王震宇

民衆教育館館長

邑人魯鐸

校刊

財政助理員

邑人王煥章

教育基金保管委員會常務委員

邑人馮治安